

## IMA ABASI

1 Nwedi Corinth 13:1-13

QYQHỌ UKPEP-NKPO 355

Eke Ikpọ Owo

**IKỌ IBUOT:** “Ekọrọ ke kpukpru nkpo, esine ima, emi edide se ibopde uwem adiana inam ofon ama” (Nwedi Mbon Colossae 3:14).

### I. Ima-Ima Abasi

1. Ima edi kpukpru nkpo ke ofuri nnen-nnen ido ukpono Abasi. Usem, edisiak uduak Abasi, ifiok, mbuotidem, mfonido, ifik ke abana akpaniko mmọ emi inofo owo erinyaana, 1 Nwedi Corinth 13:1-3; Deuteronomy 6:5; Leviticus 19:18; Deuteronomy 10:12, 13; Mark 12:28-31; Luke 10:25-28
2. Etim enam mme mfon emi otode ima, me ima Abasi anwana, 1 Nwedi Corinth 13:4-7; Mme Nke 10:12; 1 Peter 4:8; 2 John 5
3. Edisiak uduak Abasi, usem, ye ifiok eyetre, edi ima odu ke nsinsi, 1 Nwedi Corinth 13:8-10; Nwedi Mbon Colossae 3:14
4. Etim ewut nte unana mfon-mma owo etiede, 1 Nwedi Corinth 13:11, 12; 2 Nwedi Corinth 3:18; 5:7; 1 John 3:2
5. Nkpọ eke okponde akan edi ima, 1 Nwedi Corinth 13:13; Matthew 5:44; Nwedi Mbon Rome 13:10; John 13:34; 15:9,13, 17; Mme Hebrew 13:1; 1 John 3:1; 4:7-12, 17-19.

### SE EKPEPDE EBAÑA

#### Ufok-Abasi Mbon Corinth

Paul akabiat ofion efureta ke Corinth, okworo-iko Abasi ono mbon Corinth. Okposon ufok-Abasi ama otono do; edi ke Paul ama akadaha, ubahare ye ukwan ukpep-nkpọ ekenyon eduk ke otu mmọ. Mbon Greece ekemehe ke ndinam owo ema uyai mmọ. Paul ekwet Nwedi emi ndinehere mme nkpo emi. Qyqhọ ibuot nwedi duopeta emi edi utibe, enyuan eda enye nte kiet ke otu mkposon itie ke ofuri Nwedi Abasi. Kpukpru owo ekpenyene ndikpep mmum nsin ke ibuot.

Owo kiet odoho ntem ete: “Ima enehere edi mbiet Abasi ke ukpon; koro Abasi edi ima. Ke mbuotidem ke nnyin ibo Andibot nnyin nkpo; ke idorenyin nnyin ibet ndikut ini iso nnyuan mbo mfon nsinsi; edi ke ima, nnyin ibet Abasi; ndien ke enye ikpon ke nnyin idot ndidia idara heaven nnyuan ndu ye Enye ke nsinsi.” Ima edi edinim ibet mma. Ibet ikenyeneke odudu ndikpuhore uwem owo, edi Christ, emi ke idem Esie edide ima, ama anam ntre!

#### Obufa Emanana

John, owo Mbet anam anwana ete, “Abasi edi ima; ndien owo emi odunde ke ima ododu ke Abasi, Abasi onyuan ododu enye ke idem.” Emeyak udomo ima Abasi eno nnyin oto ke edinen ido eke Jesus Christ, ke adana emi nnyin imanade obufa. Ukpuhore odu ke ima Abasi ye ima uduot owo. Nnyin imamana iduk ke ererimbot emi ye uduot ima eke esinde mme ete ye eka ema ndito mmọ, enyuan enyene idaha ima eno eke mmọ owo. Kpa idem unam enyene ima eno ndito mmọ. Edi ima oro ke esit owo abuhara ye idiok-nkpọ, emi eketode do ke ini owo okotutde uton ke uyo Abasi onyuan oduo okpon idaha edisana ima ye unana-ubiomikpe. Man enam owo otono ntak enyene mbiet Abasi, enyene ndikpuhore enye. Enyene ndinam enye edi obufa owo. Jesus okokot emi obufa emanana. Mme owo emedomo ndida ediwak nkpo efen nnim nte edi obufa emanana. Mmọ edomo ke ifiok-nwedi, edinehere nkpo nnim, ndisin enyian ke ufok-Abasi, edisono-itie, mfon-ido, edinwam ubuene ye mbon unana, ete ke oro edi ndinyene edikabare-esit. Jesus ama odoho ete ke enye emi “odokde ke usuan efen oduk, owo oro edi ino ye owo nwo” (John 10:1). Adana nte owo odomode ndisana ke usuan efen ekededi, akan ke obufa emanana nduk Heaven owo ntak-urua. “Edieke owo mitonoke ntak imanana, enye ikemeke ndikut Obio Ubon Abasi” (John 3:3).

#### Edinam-Asana

Ke ini ima odukde ke esit ke obufa emanana, edi mmem-mmem ndinam “ima owo ofon ama ke esit nnyin” (1 John 4:17), oto ke nitofon ifiok emi edide edinam-asana, owo saana-saana eno mfon iba emi adade itie kpa idaha oro. “Owo ekededi eke onimde ikọ Esie, ke akpaniko, ke emenam ima Abasi

ofon ama ke esit esie” (1 John 2:5). “Ima eke ofonde ama” edi enyiñ efen eke enode “edisana uwem,” “Mfon-mma eke anditiene-Christ,” me “edinam-asana,” ndien ekeme ndinyene enye oto ke edisio oruñ idiok-ñkpọ mfep, oto ke Iyip Jesus Christ emi eyetde asana. “Kpa nte Christ akamade ufok Abasi, okonyuñ ayakde Idem onọ ke ibuot esie; man Enye akpada mmọñ okoro ye ikọ Abasi eyet okop esie, anam enye asana; man akpada enye onọ Idem Esie nte ufok Abasi emi oyohode ye ubon, minyuñ inyeneke ntọi mme eriñwine mme oruk ñkpọ eke etiede ntre; edi man enye asana onyuñ anana ndo” (Nwed Mbon Ephesus 5:25-27).

### **Mme Usem**

Ediwak mbio udon-ikọ edu emi edade ke edisana ebiet ukworo-ikọ. Nnyin imesikop ediwak ini nte edohode ete, “Enye esem edinem ikọ-mbakara.” Edi edieke edisana ima miyohoke ke esit anditiñ ikọ oro, kpukpru udon-ikọ esie, mme ndinem usem esie, mme nti ikọ-mbakara esie eyomo uyom nte akpankpan enyuñ esioro uyo nte ekpri ñkanika. Ekese mme owo eworo ekpon ata ikpọ ufok Abasi ye udon ke esit ke abañ ñkpọ Spirit, ikopke uyuhọ koro okworo-ikọ minyeneke ata akpan ñkpọ, oro edi ima Abasi.

### **Mbuotidem**

Etiñ enọ nnyin ke Mme Hebrew, oyohọ ibuot duopekiet, ete, “mbuotidem oworo ete, nnyin itim ibure ite iyebọ se nnyin idoride enyin ke esit, inyuñ itim inim ite se idibede owo ke enyin odudu,” ñko ke oto mbuotidem ekekan mme idut, ekibi mme lion inua, enyuñ enam mme akpa-mkpa eset ke mkpa. Jesus ama ooro mbuotidem eyen-añwan Syrophenicia, emi ekeyirede ke mbuotidem ete ekok eyen imọ añwan udon: Enye onyuñ odohọ ete, “o ñwan, mbuotidem fo omokpon.” Yak nnyin iti ñko ibañ mbuotidem centurion, emi ekebefede ete enam owo imọ okop nsoidem. Jesus okodohọ ete ke akanam imọ ikwe mbuotidem eke okponde ntem, kpa ke Israel! Enam ediwak mme utibe-ñkpọ eto ke mbuotidem. Edi Paul osonọ ete ibohoke mbuotidem adiana ye edisana ima emi odude ke esit, idoroke ukpon baba ñkpọ kiet. Mbuotidem ikpon-ikpon idikemeke ndikpohore ndiye inua-otop Heaven.

### **Uworo-Etop**

Ediwak mbon inyene emeyak okuk mmọ enọ man eda efon ido ye kiet eken, mmọ eda okuk mmọ edion mme ikpọ ufok-ñwed, ye mme ufok-ibok, ye mme nsio-nsio ikpọ ufok ukpep-ñkpọ eke edotde. Ndosuk ekam eyeyak idem ikpohidem mmọ enọ man enwam se mmọ enimde ke akpanikọ. Edi akpa Nwed Corinth, ibuot duopeta emi etiñ onọ nnyin añwa-añwa ete, ibohoke nnyin inyene ima Abasi ke esit, kpukpru emi idoroke nnyin baba ñkpọ kiet. Enyiñ nnyin, uworo-etop nnyin, ye ofuri-ofuri se inamde eyetak. Nkoñ-ñkan ifiok-ñwed, mme ikpọ onion ke edinam usọ ye edikpep ñkpọ, ye mfon-ñkan ke nituñ ifiok ye edibot mbufa ñkpọ ikemekekeme ndinam owo ekeded enyene ntọi ima Abasi. Enye edi se Abasi onode ke mfon, emi ekedepde ke Iyip Eyen Esie Jesus, ndien enyuñ ekeme ndibọ nnyene oto ke edinim Obon Jesus Christ ke akpanikọ.

### **Se Idude Ke Ima**

Paul ama otim etiñ añwaña ndiwut nte ima etiede, abahare enye esin ke itie ke itie, onyuñ etiñ onọ nnyin se enye otimde oworo. Ima ofon ido onyuñ enyene anyan ime. Ima Abasi ke esit owo esin enye osonọ eyire ke mbet mfon-ido. Oworo ete ke ikureke ke enye ndidi suñ-suñ nnyuñ mme anyan ime ikpon, edi enye ananam akpanikọ onọ idem mme ukpon emi minamke akpanikọ inọ idem mmọ. Ediwak owo inamke akpanikọ inọ idem mmọ, enyuñ edomo ndifuk unana akpanikọ emi ke esit mmọ. Mmọ eyom owo emi enyenede mfon-ido ye onion ndiñwam mmimọ ndiyarare ñwut mmọ mme ñkpọ emi ekemede ndinam mmọ eduok ukpon mmọ edieke mmọ mikabakere esit. Mfon-ido edi eti edu emi etode ke esit, emi ke editim ntiñ oworo ete ke inua.

Owo emi amade ima itinke idiok ndibiat eyen-eka esie. Enye ekeme ndisua nnọ nnyuñ ntuno; edi ke idak, mbet mfon-ido emi ofonde ama mmọdo ndiyet aran. Ima edi mmem-mmem onyuñ enyene mbom ke idem esie, onyuñ ofon ido ye kiet eken. Enye itibeke utok. Ima anam owo okut ete ke owo efen ofon akan imọ. Ima ifuhoke ke inemesit me okposon mfoniso owo efen. Enye imenke idem esie inim ke iso-iso, inyuñ iyomke owo okut onyuñ ooro imọ. Ima isopke ndibiye me ndineñere owo efen. Enye ikohokere idem ibañ akamba itie ye idaha esie. Ata nsuhore-idem otonọ ke ini owo odionode abañ uyuhọ Abasi ke ukpon.

Ima isopke ndikop iyaresit ke ini owo mme ñkpọ-ntibe edahade eda nte ubionọ ke itie esie ke uwem emi. Ata ima enyenyik andinyene enye ndinam eti ido, ye se inende ke ofuri- ofuri idaha. Ima iyomke ofon esiom, inyuñ ikopke uyuhọ ke mibohoke ke ofon ye ndonesit ye ke erinyaña eke mmọ

efen. Enye adara ke se idide akpanikọ ikpọñ-ikpọñ. Enye ọyọyọ mmeme ye mme ndudue owo efen, ononim se owo ekemedede ndinam ke akpanikọ, ododori enyin ke abañā erinyañā ye ufọn mme owo ke kpukpru ebiet, onyūñ ememe ime ke kpukpru idomo ye ukut ke mbuọtidem. Owo iduhe emi anamde ọyọhọ mbeñe-idem ndika obio-ubọñ Abasi ibọhọke esit ye ukpọñ esie ọyọhọ ye ima Abasi emi.

### **Ima**

Ima idibehe ifep ke nsinsi. Edisiak uduak Abasi eyebe efep; mme usem eyedobo; ifiọk eyekabare edi ikpikpu; edi ima Abasi eyedu ke nsinsi. Ke ñkim-ñkim idut Africa, emi David Livingstone ekedide akpa owo mbakara ndibe nduk ata esit-esit esie, esidọhọ ete ke adañā emi afo asiakde enyiñ esie, ñkim-ñkim iso mme owo oro ekabare eyama ke adañemi mmọ esuk etiñde ebañā mfọnido abia-ibọk emi ekebede do ke ediwak isua emi ebede. Mmọ ikokopke usem esie, edi mmọ ema ekop ima oro okodude ke esit esie. Edieke nnyin idade enọ ima Abasi isin ke esit nnyin, utom nnyin eyekut unen. Nnyin ikemeke ndinyene se ikponde ikan oro.

### **Se Ikponde Ikan Kpukpru**

Ntem ke mbuọtidem, ye idorenyin, ye ima esuk edu, edi andikpon-ñkan ke otu mmọ edi ima. Ọkwọrọ-ikọ kiet ọdọhọ ete, “Ndima ima ọyọhọ-ọyọhọ, edi ndidu uwem ọyọhọ-ọyọhọ, ndinyuñ mma ima ke nsinsi edi ndidu uwem ke nsinsi”. Ke ntre nsinsi uwem ọyọhọ ye ima.

Ke mbuọtidem miduhe, owo ikemeke ndinem Abasi esit. Mbuọtidem ada nnyin adian ye Abasi, ndien ke mbuọtidem ke nnyin isañā ye Abasi. Enye edi kiet ke otu ikpọ ñkpọ ita oro. Idorenyin omum ukpọñ nnyin akama onyūñ anam nnyin idọdiọñ isin ifik ika iso. Idorenyin edi ndinyene mbuọtidem ndibọ mme ñkpọ eke edidide ke iso. Akwa itam nnyin edi idorenyin erinyañā. Nnyin ikaka iso iyara enye. Ke idorenyin miduhe, ukpọñ ọdọñọ onyūñ akpa. Ke idem ini emi ekim ọsọñde akan, edi idorenyin ọnọ nnyin ubọhọ. Nnyin ida mbuọtidem ye idorenyin isañā ibe ke uwem emi, edi ida ima idu ke nsinsi ini. Andikpon-ñkan ke otu mmọ edi ima!

**“O, ima Abasi okpon onyūñ asana!**

**Ọsọñ, inyūñ inyeneke udomo!**

**Enye eyebighi ke nsinsi-nsinsi**

**Edi ikwọ nti owo ye’me angel.”**

### **MME MBUME**

1. Nso ikpọ ñkpọ ita ke eda edomo ke ukpep-ñkpọ emi?
2. Tiñ nte mbuọtidem etiede.
3. Tiñ nte idorenyin etiede.
4. Tiñ nte ima etiede.
5. Tiñ wut ukpuhọre eke edude ke ima owo ye ima Abasi.
6. Ukwọrọ-ikọ, me ikọ-ntiense esitie didie edieke ima Abasi miduhe ke esit?
7. Nso ñkpọ inam owo edi ọyọhọ anditiene-Christ?
8. Siak ndusuk mme mfri ima Abasi.